

Шочмо эл, порылык да чын верч!

11-ше (3555) №,
2022 ий 18 март,
кугарня.

Будь готов /

Ямде лий



1933 ий 1 февраль годсек лектеш.

0+

Волгалт, сылнымут «ўжара»!



Фотом школ архив гыч налме.

ПОДПИСКЕ

«Ямде лий» газетлан электрон подпискым идалык мучко ышташ лиш. Тидан 89027382237 номер дене Сбербанкыш 150 тенгем колтыза але тиде номерышке пыштыза да yamde_lii@mail.ru адресыш лўмнердам возен колтыза.


Кугарня24.рф сайтыште «Кевыт» ужашыште «Ямде лийым» онлайн налын кертыда.

Советский район Кодам школышто «Кодам ўжара» сылнымут да краеведений кружок 1984 ий гыч пашам ышта. Тудым марий йылмым да литературым туныктышо З.А.Беляева вуйлата.

– Кружокышто верысе серызе-влакын сылнымутыштым лончылена, школым тунем пытарыше-шамычын почеламутыштым шергалына да шкежат возаш тунемына. Серымына годым шке погымо фольклорлан, краеведений материаллан энертена, – ойла Зоя Александровна.

6-8-ше класслаште тунемше кандаш ўдыр-рвезе сылнымут тўняшке ушнен. Кружокышто поэзийлан кугу тўткыш ойыралтеш. 6-шо классыште шинчымашым погышо-влак Эвелина Яковлева ден Юля Васярова поснак шўман улыт. Теве почеламутыштым доска ончылно лончылат (снимкыште).

– Возымо паша чон гыч лекше веле огыл, тыгак чатка лийшаш, – ойлат ўдыр-влак.



21 март –
Поэзийын
тўнямбал
кечыже.

Х.АЛЕКСАНДРОВА.

Октябрёнок улыт



Фотом школ архив гыч налме.

Волжский район Пётъял школын 2-4-ше класслаштыже тунемше-влакым «Шонанпыл» йоча организацийын «Октябрят» радамышкыже пуртымо (снимкыште). Пионер-влак октябрёнок-шамычын йўлашт, правилышт дене палдарышт. Йоча-влак товатмутым пуышт. Тылеч вара нунын онешышт значокым пижыктыме. Школ директор В.А.Семенов ден туныктымо пашан ветеранже З.В.Морозова ўдыр-рвезе-влакым пайрем дене саламлышт. Ынде икшыве-влаклан келшен да тўшка пашан лектышыже верч азапланен илаш тунемман.

Л.КОШАЕВА.


Историйым шергалына

1915 ий 22 мартыште руш войска Йеремышль австро-венгр орым сеҥен налын. 9 генералым, 2500 утла офицерым да 117000 утла салтакым пленым налыныт.

гар ден оборудований-влакым, туныктымо материаллам налаш палемдыме. Тидлан 16,2 миллион тенгем ойгырымо.

2024 ий марте Марий Элысе эше латкок тунемме тонеж тўрлө семўзгар дене пойдаралтшаш.

«Культура» нац-проект почеш Марий Эл Республикысе Калыкле сымыктыш гимназийыш, Марий Турекысе да Медведево район Юбилейный посёлкысо, Йошкар-Оласе 2-шо номеран йоча сымыктыш школлаш семўз-



гар ден оборудований-влакым, туныктымо материаллам налаш палемдыме. Тидлан 16,2 миллион тенгем ойгырымо.

Шинчымашым пойдарена



Фотом школ архив гыч налме.

Школышто физике ден химий арня эртаралтын. Изирак класслаште тунемше йоча-влакат ушнен улына. «Точка роста» рўдерын кабинетлашкыже экскурсий дене миенна. Кугурак класслаште тунемше-влак физике ден химий лабораторийыште опыт-шамычым ыштен ончыктеныт (снимкыште). Мыланна тул деч посна шикш лекмаш онгайын чучын, шке ыштыме шонанпыл ден волгенче келшенит. Лабораторийысе прибор, препарат-влак нерген каласкаленыт. Кушкын шумек, физике ден химий предмет-влакым келгын тунемаш кумыланденыт.

Ирина ЕГОШИНА.

У Торъял, Немда.

Российысе увер

Москосо Сенгымаш тоштер да Российысе «Юнармий» толкын «Открытка Победы» тўнямбал сўрет конкурсыш ушнаш ўжит. 9 Майлан пўлеклалтше открытым сўретлен, **10 апрель марте** колтыман. Тўрыс уверым victorymuseum.ru сайтыште ончыман.

Российысе школлаште «Герои нашего времени», «Братство народов», «Взрослый разговор о мире» темыла дене урок-влакым эртарат. «Герои нашего времени» темын икымше урокшо Россий Герой офицер-десантник Нурмагомед Гаджимагомедовлан пўлеклалтын.

5-11-ше класслаште тунемше ўдыр-рвезе-влак «Символ памяти моей Малой Родины» всероссийский 3-D моделирований фестиваль-конкурсыш ушнен кертыт. Пашам **31 март марте** колтыман. Тўрыс увер – vsekonkursy.ru сайтыште.

Марий Элысе увер

«Идалыкын ешыже» всероссийский конкурсын икымше йыжынже Марий Элысе районлаште да олаште **24 апрель марте** эртаралтеш. Икмыняр тагас уло: «Шуко шочшан еш», «Самырык еш», «Ялысе еш», «Российын шўртнў ешыже», «Йўлам аралыше еш».

21 мартыште С.Г.Чавайн лўмеш Национальный книгагудышто «Кидлан паша – чонлан пайрем» калык усталык фестиваль почылтеш. **30 апрель марте** шуйна.

«Сообци, где торгуют смертью» всероссийский акцияын икымше йыжынже Марий Элыште **25 март марте** эртаралтеш. Лекше йодышым **(8362) 68-00-00** телефон номер дене рашемдаш лиеш.



Саша ВИНОКУРОВЫН
сүретше.

коважым кычалын муыт. Эн онайже: Макс Браун англичанла кутыра. Книгам лудмо годым шуко англичан мутым тунемаш лиш.

Книгам лудмеке, ме сүретым сүретленна, сценкым модын ончыктенна, викторинылан, кроссвордлан йодыш-влакым кельштаренна.

Егор БАЙБАЕВ.
Медведево, Руэм.

«Книгагудыш путешествий»

Тыгай сетевой проектыш ме, Михаил Губашов, Линар Шарифьянов, Кирилл Макаров, Саша Винокуров да мый, ушненна. Командынам «Книгочеи» манын лүмденна. Ме сылнымутан литературым лудаш йоратена. Сетевой проектыште Наталья Егорован «Лапы, крылья, три хвоста!» книгаж нерген каласкалена. Тўн герой-влак Макс Браун пырыс, Хохолок садовник, Лёвчик Мышкин тўрлө истори-йыш логалыт, но шонымашкышт шуыт: пырысын Роза



«Книгочей» – тош-темше мут. Ожно книгам лудаш йоратыше еным тыге маныныт.

*Усталык мом гына ок ыште,
Уш-акыл мом гына шонен ок му.
Миклай КАЗАКОВ.*

ПИОНЕРИ 100 ЛЕТ

Тений, 19 майыште, Пионерийын шочмыжлан 100 ий темеш. Тиде жапым шарналташ манын, Морко район Коркатово лицейын активистше-влак ончычсо пионервожатый В.Н.Васильев дене вашлиймашым (**снимкыште**) эртареныт. Вячеслав Николаевич самырык тукумлан галстук, тўмыр, горн нерген каласкален. Пионер-влакын тўрлө пашам шуктымашт нерген ойлен.

В.СМИРНОВ.
Л.АНИСИМОВАН фотожо.



У пагыт лишемеш

Шошо толмым шижтарыше Ёярням кугыенжат, йочажат веселан пайремленыт. Тидын нерген редакцийышке серыш-влак пуреныт. Кужэнер район Конганур школын 5-ше классыштыже тунемше-влак ИКН урокышто курык гыч мунчалтеныт. Туныктышо Г.С.Тобекова пайремын йўлаже-влак дене палдарен. Тидын нерген Анна Вараксина возен. Ангелина Васильева ден Полина Алексеева (Морко, Коркатово), поян ўстел сийым погымеке, Ёярня курыкышто еш дене юарлымышт нерген сереныт. Шернур район Кукнур школын 3-шо классыштыже тунемше йоча-влак туныктышо Д.В.Таныгина дене пырля Ёярня курыкышто «шуршым почкеныт». «Пайремым юарлен эртаренна (**снимкыште**), кумылна чылт кече гаяк шокшо лийын», – серен Карина Удалова (Медведево, Руэм). Ёярня арнян ик кечынже Морко



Фотом еш архив гыч налме.

йоча книгагудо икшыве йўк дене темың. Ёдыр-рвезе-влак презентацийым онченыт, марий модыш дене модыныт, ўян мелнам авызленыт. Тидын нерген книгагудо пашаен А.В.Громова увертарен.

Серышлам
Л.ГРИГОРЬЕВА
лончылен.



Кугешнем

Школышто тўрлө мероприятий эртаралтеш. Ме, 7-ше классыште тунемше-влак, мастарлыкнам эре тергена. «Шочмо элын эргыже-влак» сўрет конкурсышто Аделина Леухина, Елена Иванова, Лiana Петухова, Ангелина Швецова, Никита Соколов ойыртемаптыныт. Почеламутым сылнын лудмо конкурсышто Ярослав Казаков кумшо лийын. Мый йолташем-влак дене кугешнем.

Кирилл КУРОЧКИН.
Кужэнер, Конганур.

Сайын тунемам

Мый 5-ше классыште тунемам. Класс вуйлатышына – Е.Б.Садовина. Тудо ава гай поро кумылан. Мыланна тўрлө туныктышо шинчымашым пуа. Руш да марий йылме-влакым туныктышо Т.В.Смородинова мыланем утларак келша. Такшым кажне предмет дене сайын тунемам.

Даниил ЯКИМОВ.
У Торъял, Токтарсола.



Самырык да лектышан памаш

Юрино посёлкышто верланыше С.А.Лосев лүмеш школышто «Родничок» лесничествым кум ий ончыч почыныт. Тудым ворандарен колтымаште вуйлатыше Е.В.Домрачеван надырже кугу. Екатерина Владимировна пүртүсүм аралыме, шымлаш кумылангыме шонымаш дене 3-11-ше класслаште тунемше-влакым (снимкыште) ик ешыш чумырен.

– «Мланде йымачын ик гана шолын лекше памаш нигунам йогымым ок чарне», – ойлат калыкыште. Школ лесничествым кузе лүмдымө нерген шонымо годым ты калыкмут ушыш пурен. Тыге мемнан «Родничокна» шочын, – ойла вуйлатыше. – Самырык улына гынат, пашана дене лүмнернам суленна, шонем. «Родничокыш» тўрлө ийготан йоча-влак ушненыт. Тиддене кугешнем. Тўналтыш класслаште тунемше-шамыч изинек тўшка дене пашам ышаташ тунемыт: пўртўсышты арулыкым эскерат, шулдыран йолташ-влаклан кормушкым ямдылат. Кугурак-влак нуньлан эңертыш улыт, тўналме пашаштым чын могырыш тапташ полшат.

Школ лесничествыште йо-

ча-влак пўртўсым шымлат, пушенгым шындаш тунемыт. Шымлымаш пашам возат, плакатым сўретлат, буклетым ямдылат, листовкым шаркалат. «Иле, кож»,

калыкым шочмо пўртўсым аралаш кумыландат. Тўрлө экологий конкурслаш ушнымо дене усталыкыштым виандат. Сенымаш копилкыштышт республикысе тага-



Фотом, лесничествын архивше гыч налме.

21 март – Чодыран тўнжамбал кечыже.

«Пўртўсын поянлыкыше – мемнан кидыште», «Чодыраште пожар ынже лий» да моло акциялам эртарен,

сымаш гыч 26 чапкагазышт уло, всероссийский гыч – кокыт.

Е.ИВАНОВА.

Эңерын ий йымалне 26 арня шинчымекеже, шошо толеш.

Калык пале.



Ксения **КОРНИЛОВАН** сўретше. Волжский, Пўтьял.

Шарвай памаш

Йўштө кугызан илемже воктеч Шарвай памаш йоген эрта. Тудын вўдшө пеш тамле, тазалыклан пайдале. Кукнур селаште илыше калык тушко кажне кечын коштеш. Коваем дене пырля кажне рушарнян памаш дек вашкена. Юзо виан вўд дене чайым шолтена.

Дарина ИВАНОВА.
Шернур, Кукнур.

Шочмо ял

Шочмо верем – Кузнеч ял. Тыште пўртўсшат кумылым савырыше. Пўрт ончычна яндар памаш йога. Ший гай вўдшымы йўын, шер нигунам ок тем. Йырымваш чодыра. Тудо тўрлө емыжлан, понгылан поян. Кужу ўмыран лий,

У Торьял район.

Салам, шошо!

Йўратыме пагытем теле гынат, чеверласаш жап шуын. Нерым чывыштылше чатлама йўштө пагытын кўчык ўмыржө пучыш. Мо вара, сай унатшке жапыштыже родыж деч кайышаш. Кече утыр да утыр ырыкта, тельын поянлыкшымым вашке румбыкан вўдыш савыра. Икмыняр жап гыч уна-влак коедаш тўналыт: эн ончыч шемгорак ден чага, а вараже мурызо шырчык ден йорга турий. Лышташан пушенге-влак эше чара улыт. Мо-гынат, парчалаш кержалтше кичке-влак сылне вургемым чияш ямдылалт шогымым раш палдарат. Салам, шошо!

А.В.ГРИГОРЬЕВА, воспитатель.
У Торьял, «Улыбка» йочасад.

шочмо ялем!

Вероника МАМАЕВА.



Марий шўлыш - Чонышто

Башкортостан Республик Бирск район Суслво школын 6-шо классытыже тунемше Виктория АХМАДЕЕВА (снимкыште) изинек чолга кушкеш. Сайын тунемеш, сўретлаш кумылан, баскетболла модеш. Кушталтен колта гын, чылт лывыла коеш. Мотор ал тўсан тувырым Викториялан аваже лўмын ургыктен. Ёдыр тыгай сылне вургем дене сценышке чўчкыдын лектеш.

– *Авам Изи Соказа селасе клуб пелен «Рвезылык» йоча ансамбльым вуйлата.*

Мый тушко куанен коштам. Туштак марий муро да куштымаш деке шўмарынам, марий шўлыш чоныш-кем эрелан шыёен. Куштымаш калыкын илышыжым, кумылжым почын пуаши полша. Ме тидым калык деке намиен шукташ тыршена, – ойла Виктория.

Е.ИВАНОВА.

Йоч тўрзатым
мўндыр тос!



Писке —
пила.

М

Ачаем

Ачаемым йўратем.
Мый тудлан эре полшем.
Эрден эрак кынелеш,
Машинам тўрлаш пижеш.
Школыш ужата мемнам,
Пеш куанена тунам.
Авайнам пашаш кода,
Кас марте чеверласа.
Илена чылан келшен,
Ик ой дене, умылен.

Даяна АБДУЛИНА.

**Башкортостан, Мишкан,
Тынбай.**

Икте-весым пагален

Ме ешыште икте-весым пагален илена. Авам бухгалтерлан ятыр ий пашам ыштен. Кызыт сурт сомылкам тўрлатылеш. Ачам – электромонтёр. Ковам 85 ияш. Изам ик заводьшто тырша. Кугурак изам Буймо школышто физикым туныкта. Мый 6-шо классыште шинчымашым погем. Тўрлў мероприятийыште чолгалыкемым ончыктем. «Эр ўжара» ансамбльышке коштам. Сенгымашем-влак дене ача-авамым куандарем.

Ксюша МИЛЯЕВА.

Синквейн

Татарстан, Агрыз, Буймо.

Ава

Поро, шыма.

Йўрата, ойгыра, туныкта.

Тудым мый чот пагалем.

Йолташем.

Марк БЕДЕРОВ.

Татарстан, Агрыз, Кадрек.

Йўратыме Ковам

Мыйын
йўратыме
ковам,
Александра

Александровна
Кузнецова,
1942 ийыште
шочын.

26 ияш
марлан
лектын,
колхозыш-

то ятыр ий пашам ыштен. 30 ияш партийыш пурен. Ончыл доярке лийын. Кызыт мемнан дене ила, ныл уныкам ончаш полша.

Иван КУЗНЕЦОВ.

**Татарстан, Мамадыш,
Малмыжка.**

Мутерым филологий
шанче кандидат
А.А.ИЛИЕВА
ямдылаш полшен.


М

Поро кумылан

Авамнын лўмжў – Гульсина. Лўмжў «поро кумылан» манмым ончыкта. Авам лач тыга-як. Тудо Мамадыш олаште пекарныште тырша. Кок кече пашам ышта да кок кече кана. Авам мўнгыштат тамле кочкышым ямдыла. Мыят тудлан полшем. Ме аванан кум эргыже улына. Шерге егнам чыланат йўратена да пагалена.

Данил ВАСИЛЬЕВ.

**Татарстан, Мамадыш,
Кугу Шия.**



М Янак —
онгылашлу.

7 мартыште Кўлегеш ялыште «Мари ечыгорно - 2022» таңасымаш эртаралтын. Мый 2012-2013 ийлаште шочшо рвезе-шамыч коклаште таңасенам да кокымшо толынам (снимкыште). Туныктышем Л.Г.Ишмановат ече дене талын коштеш. Тудо сенгышыш лектын. Лидия Геннадьевна мыланна – пример. Туныктышына школышто тунеммыж годымак спорт дене пенгыде кылым кучен. Меат тудын гай тале ечызе лияш шонена.



**Тале ечызе
лийнена**

Тимур АТНАБАЕВ.

Татарстан, Агрыз, Пелемеш.





Кўшыл категориян туныктышо, Россия Президентын грант-шым кок гана налше, Россия Федераций общий образованийын почётан пашаенже, Йошкар-Оласе 21-ше номеран Семёновко школышто кугы-

жаныш марий йылме урокым вўдышö **О.Н.ВАСЕНИНА** ямдылен.

«Мемнан ешыште – пайрем» теме дене урок



Муткылдыш-влакым кусарыза.

Шочмо кече – _____, пайрем коч-
кыш – _____, үстелым погаш –
_____, уна-влакым вашлияш –
_____, пайрем дене саламлаш –
_____, пöлекым пöлеклаш –
_____, пиалым тыланаш –
_____.



Марий кочкыш-влакым возыза.

Команмелна, мелна, _____



Текстым возен пытарыза.

Мемнан ешна _____.
Ешыштына – _____ ен.
Ме _____ илена. Авамын
лўмжö – _____,
туда _____ ияш. Ачамын
лўмжö – _____,
туда _____ ияш. Мыйын
эше _____
уло (улыт). Мемнан ешыште
_____ йўла уло.
Ме _____
_____.



Вашмутланымашым шуйыза.

– Салам лийже, Сергей! Тый кушко кает?
– Салам, Маша! Таче – Танян шочмо кечыже. Тудо
унала ўжын. Тыйым ўжын огыл мо?
– Мыйымат ўжын. Пайрем 18 шагатлан тўнгалеш.



Муткылдыш-влакым кучылтын, йодышлан вашмутым пуыза.

Тый мом кочнет? (шыл когыльо, понго шўр, кияран салат). _____

Ават кечывал кочкышлан мом шолтен? (шыл шўр, пакчасаскан рагу, олма гыч компот). _____

Шочмо кечетлан могай кочкышым ямдыленат? (пакчасаскан салат, фруктан салат, подкогыльо, жаритлыме чыве, торт). _____



Ўстел коклаште шкем чын кучымо правил-влак.

- ➔ Ўстел коклаште верым эн ончыч налаш ида вашке.
- ➔ Арун кочкаш тыршыза.
- ➔ Ўстел коклаште кугу йўкын ида мутлане.
- ➔ Шкем тыматлын кучыза. Йолым шуялтен, пўкеныште лўнгалтен ида шинче.
- ➔ Озаватылан таум ыштыза.




Ойлончым мучашлыза.

Уна-влак толмешке, _____
_____. Ўстелым погымеке, _____
_____. Йолташемьын кайымеке, _____
_____. Пайрем кас эртымеке, _____
_____.



Кўмыж-совлам сўретлыза да возыза.

	_____	_____	_____
Совла	_____	_____	_____
_____	_____	_____	_____



Тиде памятник кушто верланен, палыза.



Йолташлан шочмо кечыже лўмеш саламлымашым возыза.

Пулашкамуно – яичница с молоком.

Ўяча – колобок.

Сокта – домашняя колбаса.

Подкогыльо – вареники.

Команмелна – слоёные блины.

Мутер



Теле ден шошо

Уремыште ошо:
Поран пеш лўшка,
Да теле ден шошо
Моткоч ўчашат.

Поранже пасушто
Ўштеш я мура.
– А кечыже кушто? –
Йодам мый тура.

Ура, шошо толын,
Тўня илана!
Шомакем кече колын,
Пўртўс тўзлана.

Аня АНДРЕЕВА.

Кужэнгер, Шўдымарий.

Вашке – каникул

Шошо. Шомакшак могай
моторын йонга! Кече куже-
мын, лум шула. Шокшо
игече вашке мемнам куанда-
раш тўналеш. Кайык-влак
шокшо эл гыч пўртылыт.
Пўртўс помыжалтеш, мланде
ужарга. Ялзанылык пашаен-
влак шошо агалан ямдылалтыт. Ик
увер мыйым эн чот куандара:
вашке шошо каникул тўналеш.

Юля ЯГОДАРОВА.

Советский, Кельмаксола.

22 март –
Таксистын
тўнямбал кечыже.



Сўретым
чиалтыза.

«Ямде лий» 2022 ий 18 март



ФОТОМ ШКОЛ АРХИВ ГЫЧ НАЛМЕ.

У сынан лудмывер

Морко посёлкысо йоча книгагудо у сыным налын. Тушко йолташем-влак дене мийышна. Лудмо да модмо залла волгыдо, ару улыт. Лудмо залыште – кугу сцене. Тушто тўрлў мероприятийым эртарат. Модмо залыш пурымеке, чылт мўнгыштў улмыла чучеш. Пушкыдо диваныште меат шинчен ончышна (**снимкыште**). Книгагудышто моткоч келшыш. Ынде тушко чўчкыдынак кошташ тўналына.

Максим ЗОСИМОВ.

1-ше номеран Морко школ.

19/03

16:00



Рекламе.

Электротўлым аныклыза

Уремыш лекме годым

тўлым йўртў



Да киловаттлан

сай улметым «ойло».

Тунам ешартыш сомыл

ок лий воштырлан,

А шийвундет аныкчалтеш

ик пел ийлан.

Калыкмут-влак

Шошым

от

тельым от ыре.

Шошо шемгорак

почеш

толеш.



«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Мари
рий Эл Республикысе
культур, печать да калык-
влакын пашашт шотышто
министерстве, «Кугарня»
газет» кугыжаныш унитар-
ный казна предприятий.

Газетым редакцийыште по-
гымо да верстатлыме, «Марий Эл Республикысе
Правительствын типографийже» ООО-што ямде оригинал-
макет гыч савыктыме. Типографийын адресше: 424000,
Йошкар-Ола, Комсомольский урем, 112.

Газетым Кыл, информационный тех-
нологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт тўрлў лийын кертыт. Серыш-
влак мўнгеш огыт колталт.
Ак – кутырен келшыме почеш.
Редакцийын да издательын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пўрт.
Тел. 8(8362) 45-22-82(факс)

Конкурс



Саламлена



Лараньга район Матародо ялысе «Сказка» йочасадын «Буратино» группыкыжо коштыш Павел Воронцовым 5 ийым темымыж дене саламлена.

Чолга, ылышлан куаныше лий. Лишыл енет-влак тый денет кугешнышт. Модышет-шамыч оңай, йолташет-влак йжанле, машинат-шамыч у, шоколадет тамле лийышт. Саламлымаш дене ача-ават, коча-коват, Ульяна шижарет.



Конкурсешко ятыр фото пурен. Ёдыр-рвезе-влак, сылне теле пүртүс лонгаште войзалтын, мотор паша-шамычым колтеныт. Сенышымы ойыраш жап толын шу. Шернур район Марисола гыч Варвара ШАБ-ДАРОВА (снимкыште) эн шуко лайкым да йўкым поген. Тудым редакцийыште пөлек вуча. Кажне участниклан – электрон сертификат.

Палаш оңай

Российыште матрёшко-влаклан пөлеклалтше куд тоштер уло.

Матрёшко-влакым сорастарыза да чиялтыза.



Сүретыште ончыктымо янлык, кайык, кочкыш да арвер-влак могай буква дене мучашлалтыт? Келшыше буква дене ушыза.



Верблюд ик кечыште 50 литр вўдым йўэш, бегемот –

5 пачаш шукрыак, тиде буйвол деч 205 литрлан шукрыак. Буйвол мыняр литр вўдым йўэш?



Кудо самолёт пыл дек чонгешта? Кудо самолёт пылым эртен чонгештен?

Судоку

		9			1
5				6	
4	3				7
8	1		5		
		4		9	
7			1		8
	9			3	
2			7		

Тушто


Лочыштыжо – сорла, йолшытыжо – шорвондо.

Телым нарынче, йыргешке, кеҥежым ужарге, кужу.


Тыште ойлат – Москошто шокта.

Задаче

Уто фигурым муза.



Шотлыза да келшыше знакым шындыза.



Сүретым тўткын ончалза. Сүретче могай йонгылышым ыштен!



Интернетысе сүрет-влакым кучылтмо.